

скорее разлучити / и к желаемому препослати Христу, / Егоче моли спасти души наша.

**И ныне, глас тойже:**

Предпразднуим, людие, Христово Рождество, / и, вознесше ум к Вифлеему, / вознесемся мыслию, / и усмотрим Деву душевными очесы, / идущую родити в вертепе всех Господа и Бога нашего, / Егоче Иосиф виде чудес величество, / мняше человека зрети, / яко младенца, пеленами повиваема, / поразумеваше же от вещей Бога быти истиннаго, / подающего душам нашим велию милость.

**Тропарь, глас 4:**

**А**постольских нравов подражателю / и престолу их снаследниче, / архиереев удобрение / и мучеников славо, Богодухновенне, / на огонь, и меч, и звери дерзнул еси веры ради / и, слово истины исправляя, / до крове пострадал еси, священномучениче Игнатие, / моли Христа Бога / спастися душам нашим.

**Слава, и ныне, предпразднства глас тойже:**

**Г**отовися, Вифлееме, / отверзися всем, Едеме, / красуйся, Евфрафо, / яко древо живота в вертепе процвете от Девы: / рай бо Оноя чрево явися мысленный, / в немже Божественный сад, / от негоже ядше, живи будем, / не якоже Адам умрем. / Христос раждается прежде падший возставити образ.



**НА ПОВЕЧЕРИИ**

**Поём трипеснец, глас 2. Ирмос: Непроходимое волнящееся: по дважды, тропари на 6 и последи ирмос оба лика вкупе. А идеже двоирмосен трипеснец, и поём 1-го творца ирмос, дважды. Тропарь же обою творцов на 6 и последи ирмос 2-го канона оба лика вкупе. Сиче поём канон и ирмосы, и на прочих повечериих в предпразднство Христова Рождества. Припеваем на трипеснце: Слава Тебе, Боже наш, слава Тебе.**

**Ведомо же буди и сие:**

**ЗРИ** Яко на повечерии в предпразднства Христова Рождества, на трипеснце и на канонех на 8-й песни поем: **Хвалим,**

**благословим: и поем ирмос 8-я песни оба лика вкупе и поклон. На повечерии кондак предпразднства: Дева днесь:**

**Вѣдомо же и сие да будет:**

**Яко от двадесятаго дне декабря до 14 января, дондеже зри отдастся праздник святых Богоявлений, Октоих не поется, кроме единых недель, в нихже поется воскресна служба.**

**Полиелея же не поем, кроме великаго святаго. На утрени стихословим по две кафизмы, на вечерни кафизма рядовая. Седальны глаголются предпразднства и попразднства. Не поется же и междочасие, и канон Богородицы на повечерии.**

**Трипѣснец, глас 2.**

**Егѡже краегранѣсие: Вторѡму.**

**Песнь 1**

**Ирмос: Непроходимое волнящееся море / Божиим Своим велением изсушившему / и пешествовати сквозѣ ѣ израильтеския люди на ставльшему, / Господеву поим, славно бо прославися.**

**Припѣв: Слава Тебѣ, Бѡже наш, слава Тебѣ.**

**Неизреченное Слова Божия низшествие: / Сам бо яко Богочеловек Христос познавается, / Бог нехищение быти вменяемъ, / воображением раба показуется всем нам, / славно бо прославися.**

**Послужити Христос вольно приходит, / Егѡже образ Зиждитель ныне приемлет, / обнищавшаго Адама обогащая Божеством, / странное обновлѣние и возрождѣние, яко благоутробен, даруя.**

**Песнь 8**

**Ирмос: Устрашися отроков благочестивых / сообразнаго души несквернаго тела / и устранися воспитанный в безмерном веществе / неутружден огонь, / присноживущу же, изувядшу пламени, / вѣчнующая песнь воспеваешся: / Господа, вся дела, пойте / и превозносите во вся вѣки.**

**Вас, Моя вся сродники, ныне положу, / аще Моя заповеди соблюдетѣ, глаголет Христос человеком, / из утробы Чистыя прошедый, имже мир дай, / и смиренная мудрствовати ныне предлагает, / и Господа знающе Мя, пойте и превозносите во вся вѣки.**

**Ч**ина противнаго в Тебѣ плотскаго есть Рождество, Слове Божий, / не кровь бо и плоть Твою святую плоть составиша, / но Духа Святаго пришествие и Вѣшняго Божественное осенение, / яко, Господа ведяще Тя, поём и превозносим во вся вѣки.

**Ин двопѣснец, егѡже краегранѣсие: И трѣтнему.**

**Ирмос: Велѣнию мучителюу:**

Лѣности сон от нас отложим / и душевным бѡдрством раждающагося от Отроковицы Чистыя Христа срящим, зовуще: / благословите, дела Господня, Господа.

Довольно буди деяние благое, наше душевное сокровище, / яко да светлым лицем Христу раждаемому поём: / благословите, дела Господня, Господа.

Талант дѣлы благими возрастивше, якоже дары давшему, / вмѣсто злата, и ливана, и смѣрны принесем Христу, / грядущему родитися из Дѣвы Богоотроковицы.

Хвалим, благословим, покланяемся Господеви, поюще и превозносяще во вся вѣки.

**Ирмос: Велѣнию мучителюу / преподѡбнии триѣ ѡтроцы не повинувшеса, / в пещь ввѣржени, Бѡга исповѣдаху, поюще: / благословите, дела Господня, Господа.**

**И поклѡн.**

**Песнь 9**

**Ирмос: Возвеличил еси, Христѣ, рѡждшую Тя Богородицу, / от Неяже, Создателю наш, / в подобострастное нам облѣклся еси тѣло, / наших прегрешѣний решительное: / Сию ублажающе, вси рѡди, / Тебѣ величаем.**

**Кийждо лик, пропѣв ирмос, творит поклѡн.**

Скверну всю страстную отринувше, / достойно пришествие Христово разумом воспримем целомудрым, / ибо нескверно предгрядет плоть понести / и всем даровати Божественное Духом обновлѣние.

**Взирающе на Христа смиряющагося, / возвысимся от долеретных страстей; / ревностию же доброю не мудрствовать высокая, / вере научившися, в душе да смиримся, / яко да раждаемаго высоко-творными делы возвысим.**

### Ин


**Ирмос: Невместимаго Бога:**

**Благоразумным Христос бодрствовать заповедает / Того надеющимся пришествия из Девы: / се бо приходит родиться.**

**Во втором Твоем, Христе, пришествии, / сожителя десным мя причти овцам Твоим, / Твое чтущаго в плоти пришествие.**

**Ирмос: Невместимаго Бога / во чреве вместившая / и Радость миру родившая, / Тя поем, Богородице Дево.**

### И поклон.



### НА УТРЕНИ

**На Бог Господь: тропарь предпразднства дважды: Слава: святаго. И ныне: предпразднства.**

**По 1-й стихологии, седален, глас 1.**

**Подобен: Гроб Твой, Спасе:**

**Веселися, Вифлееме, Евфрафо, готовися: / се бо Агница, Пастыря великаго в ложеснах носящи, родити грядет, / и, предвидяще Божественную звезду, волсви радуются, / с пастырьми поюще сердца правостию.**

### Слава, и ныне:

**Приклонивый Небеса и в Деву вселившийся / происходит плотию в Вифлеемстем вертепе родиться, / якоже писася, / видетися же Младенец, / младенцы оживляяй во утробе, / Сего, радующеся, ныне срящем вси сердца правостию.**

### Тропáрь святыя, глас 4:

**А**гница Твоя, Иисусе, Иулианія / зовёт велиим гласом: / Тебѣ, Женише мой, люблю, / и, Тебѣ ищущи, страдальчеству, / и сраспинаюся, и спогребаяюся крещению Твоему, / и стражду Тебѣ ради, / яко да царствую в Тебѣ, / и умираю за Тя, да и живу с Тобою, / но, яко жертву непорочную, прими мя, с любовью пожержуюся Тебѣ. / Тоя молитвами, / яко милостив, спаси души наша.

### Слава, и ныне, глас тойже:

**Г**отовися, Вифлееме, / отверзися всем, Едеме, / красуйся, Евфрафо, / яко Древо живота в вертепе процветѣ от Девы: / рай бо Оная чрево явися мысленный, / в немже Божественный сад, / от негоже ядше, живи будем, / не якоже Адам умрем. / Христос раждается прежде падший возставити образ.

**зри** **Вѣдомо буди, идеже празднуется святого Петра митрополита праздник, поем канон святыя Иулиании на повечерии, вкупе с трипеснцем и последїи стихиры ея.**



### НА ПОВЕЧЕРИИ

**Трипеснец, глас 2, ирмос по дважды, тропари на 6, и паки последїи ирмос оба лика вкупе, егоже краегранесие: Четвертому пою:**

### Песнь 3

**Ирмос: На камени мя веры утвердив, / расширил еси уста моя на враги моя, / возвеселибося дух мой, внемда пѣти: / несть свят, якоже Бог наш, / и несть праведен, паче Тебѣ, Господи.**

**Вотще сонмище Йродово и волею собирается, скверноубийственное, / раждающагося Господа убить Христа, / Емуже поем: / Ты еси Бог наш, и несть праведен, паче Тебѣ, Господи.**

**Лю́тый советъ Иродов покрыва́ется, / богобо́рныя ду́ши сый, со младе́нцы Влады́ку уби́ти Христа́, / Ему́же поём: / Ты еси Бог наш, и несть пра́веден, па́че Тебе́, Го́споди.**

### **Песнь 8**

**Ирмо́с: Глаго́л мучи́телей поне́же превозмо́же, / седмери́цею пещь разжже́на бысть иногда́, / в нейже о́троцы не опали́шася, / царе́во попра́вше веление́, / но вопи́яху: вся дела́ Го́сподня, Го́спода по́йте / и превозно́сите во вся ве́ки.**

**Излива́юще я́ко ми́ра слезы нас ра́ди Христу́, ражда́ющемсяу плоти́ю, / ймиже скве́рны очисти́м, Пречи́стому чи́сте приходи́ще и вопи́юще: / вся дела́ Го́сподня, Го́спода по́йте / и превозно́сите во вся ве́ки.**

**Слезáми умиле́ния слез да убежи́м, грешни́и, му́ки бу́дущия стра́шныя, / Христо́вы стопы́ прие́мше, полага́ему в пелена́х я́ко Младе́нцу, вопи́юще: / вся дела́ Го́сподня, Го́спода по́йте / и превозно́сите во вся ве́ки.**

**Священноде́йствоватися изба́влению ве́дюще от свои́х утробъ же и слез исто́чника, / Христу́ испове́данием предъизмы́вшеся, ве́рнии, / да присту́пим плоти́ю к Ро́ждшемуся в верте́пе, вопи́юще: / вся дела́ Го́сподня, Го́спода по́йте / и превозно́сите во вся ве́ки.**

### **Песнь 9**

**Ирмо́с: Душа́ми чи́стыми и нескве́рными устна́ми, / приидите, возвели́чим Нескве́рную и Пречи́стую Ма́терь Емману́илеву, / Ёю́же из Нея́ к Ро́жденному принося́ще моли́тву: / пощади́ ду́ши на́ша, Христе́ Бо́же, и спаси́ нас.**

**Неразу́мен никто́же, ни лука́в, завистнообра́зник да бу́дет, / от принося́щих ны́не да́ры Бо́гу приятны́, / вме́сто сми́рны, и злата́, и ливана́ добродетелей мироуха́ние, / пою́щих Христу́ ражда́ющемсяу: / пощади́ ду́ши на́ша, Христе́ Бо́же, и спаси́ нас.**

**Глаго́лаше ко прише́дшим Ирод волхво́м му́дым: / ше́дше, поищите́ ро́ждшагося ны́не Царя́ и,**

обрётше, возвестите мне, / поучився лю́тый о  
убийстве скверноубийственным се́рдцем. / Пощади  
ду́ши на́ша, Христе́ Бо́же, и спаси́ нас.

**О**, слепотнаго скверноубийства, вседёрзостне! /  
Имже забвение получил еси́, яко́ Бо́га никто́же емь  
рука́ми убиёт; / преразжэгся же я́ростию, свирéпо  
младéнцы закала́еши, Ироде. / Пощади́ ду́ши на́ша,  
Христе́ Бо́же, и спаси́ нас.



#### НА УТРЕНИ

### По 1-й кафизме седален предпразднства, глас 2.

Подобен: Благообразный:

Непристúпный Бог, за благоутроби́е пристúпен  
мне быв, / во́лею приходит плóтию родитися, яко́  
Человек, / во граде Вифле́еме из Дéвы Отрокови́-  
цы. / Егóже прияти усéрдно потщímся, вопиюще́  
со страхом: / Гóсподи, сла́ва Тебé.

### Сла́ва, и ны́не, глас 1.

Подобен: Гроб Твой:

Приклонивый Небеса́ и в Деву вселивыйся, /  
предгрядёт плóтию в Вифле́емстем вертéпе роди́-  
тися, / яко́же пи́шется, явítися же Младéнец, /  
младéнцы оживля́яй во утробе. / Сего́, раду́ющеса,  
ны́не срýщим вси се́рдца правостию.

### По 2-й кафизме седален, глас 5.

Подобен: Собезначальное:

Вифле́еме, готóвися на срéтение Дéвы Марии́ и  
Богомáтере: / се бо грядёт к тебé, Младéнца  
нося́щи Христа́, / Собезначальнаго Отцú и Дúху  
присно, / Егóже в вертéпе родит / и по Рождествé  
Дéва па́ки явítся.

### Сла́ва, и ны́не, глас 3.

Подобен: Красотé:

Чúдо пресла́вно зрится днесь: / Спаси́тель бо  
наш в вертéпе плóтию от Дéвы нас ра́ди родитися  
ны́не тщítся. / Волсви́ же с да́ры яко́ Царю́  
поклóняются, / и па́стырие со А́нгелы славосло́вят  
Егó; / с ними́же и мы вопи́ем: / сла́ва нас ра́ди  
Вочеловéчшемуся.



### НА ПОВЕЧЕРИИ

**Канон, глас 6. Егоже краегранесие: Великаго четвёртка́ долгую песнь пою. Ирмос по дважды, тропари на 6 и паки ирмос на сходе.**

#### Песнь 1

**Ирмос: Сеченое, сечётся / море Чермное, / волнопитаемая же изсушается глубина, / та́яжде купно безоружным б́вши проходима / и всеоружным гроб. / Песнь же Богокрасная воспевашеся: / славно прославися Христос, Бог наш.**

**Всевиновная и вседержительная Жизнь, безмерная Мудрость Божия, / созда дом Себе от Чистой Неискусомужныя Матере: / храмом бо телесным обложився, / славно прославися Христос, Бог наш.**

**Тайноводящи волхвы, созывает начаток Божия Мудрость от языков, / безсловесныя прежде напитати таинственно, / в безсловесных яслех трапеза лежит тайная: / к нейже тщатся, с дарми путешествующе, звездё предсияющей.**

**Да услышим ныне пророческия, исполняемая Духом, гласы: / Дева бо, прие́мши во чре́ве, приходит Пресущественнаго родити; / Егоже волхвом убо небо показá, пастырем же Ангели, / яко Младенца носима.**

#### Песнь 3

**Ирмос: Господь, Сый, всех и Зиждитель Бог, / созданное, Безстрастный, обнищав, Себе соедини / и яко Младенец, носимь плотию, / в яслех убогих поклоняемь бывáет, / ядите, — вопия, — Тело Моё / и верою утвердитесь.**

**Избавление за мир истощити ныне Свою Кровь Христа грядуща, / Ирод свирепствует убити прежде времени, / неистовствуя прежде неистовства Пилатова: / темже убийственным суровством младенец множество заклá.**

**Безумен муж рече: / несть Бóга. / Иже неистовства исполнився конечнаго, христуубийством недугует, / разума же дерзостию отпад, / ко убиению младенец неискусозлобных всего себе вооружи / и землю оскверни кровьюми.**



### Песнь 4

**Ирмос:** Провидев пророк / тайну Твою неизреченную, Христэ, провозгласи: / положил еси твердую любовь крепости, Отче Щедрый, / Единородного бо Сына, Благий, / очищение, в мир послал еси.

На руно, яко дождь, низшед, / и, якоже капля, на землю, на Рождшую Тя, Господи, / грядеши милостивно родитися и с человеки пожити: / Единородного бо Тя, очищение, Отец в мир послал.

Приобщаешися человеческия, Христэ, плоти от семене Авраамля, / и благодать вместо благодати грядеши подати, / и спасти образ, и обезтлити; / Единородного бо Тя, очищение, Отец в мир послал.

Питие новое, еже древле пити Давид, жаждая, возжелэ, / в вертепе происходит источитися Вифлеэмли / и уставити прибывшую душевную жажду, Адамову же и Давидову, / из нихже по плоти раждается Христос.

### Песнь 5

**Ирмос:** Союзом любви связүеми яко братолюбцы, / Владүщему всіеми, мир зело Возлюбівшему, / и Давшему избавление Сына Возлюбленного, / дадим славу Даүщему всем мир.

Неодержимую держащая и превыспреннюю на воздухе воду, / бездны обуздавающая и моря востязующая Божия Премудрость, / яко дождь, на руно низшедши, вселіся во утробу Девы.

Ученики волхва Валаама волхвы зовёт к разуму звездю Христос, / облаки же небо одеваая, пеленами повивается / и в яслех возлежит, Егоже трепещут Херувими, / в вертепе же вмещается исполняя вся.

### Песнь 6

**Ирмос:** Бездна последняя грехов обыде мя, / и, волнения не ктому терпя, / яко Иона Владыце, вопию Ти: / от тли мя возведи.

Господа ведяще Тя, небеса поведают Твою славу, Спасе, / звездю волхвы ныне с дары

призывающе к познанию Твоему / и Божественному поклонению.

**Скверну** кто оттер, да отвержет / и тако Христу чист Чистому да прикоснется Младенцу, / в яслех лежащу и глубину сердец очищающую.

### Песнь 7

**Ирмос:** *Отроцы в Вавилоне / пещнаго пламене не убояшася, / но, посреде пламене ввержени, орошатели, пояху: / благословен еси, Господи, Боже отец наших.*

**Зыбля** главою, Ирод, злая провидя, подвижесе, благовремения ища, / умертвити жизни и смерти Бога, / иже всех есть Господь и Владыка твари.

**Елицы** вас, Христовы друзи, бегайте с бегаящим в Египет / и, сему добре поклоняющесе, боголепно воззовите / и согласно прославите.

**Иже** кто со Мною несть, на Мя деет, Христос глаголет, / не собираяй же со Мною расточающему уподобися. / Темже сего убоимся плотскаго низшествия.

### Песнь 8

**Ирмос:** *За законы отеческия / блаженнии в Вавилоне юноши предбедствующе, / царюющаго оплеваша повеление безумное / и, совокуплени, имже не сваршася огнем, / Державствующему достойную воспеваху песнь: / Господа пойте, дела, / и превозносите во вся веки.*

**Питомцы** Богомудрии, в Вифлеем Слово предшедшии, / со Ангелы узрим и пастырьми чудо, / Сущему в Вышних славу возсылающе Богу, / благоволение дающему человеком и мир: / Господа пойте, дела, и превозносите во вся веки.

**Закона** любве держащесе, братолюбия изволение да восприимем, / с друг други мирствующе и единомудрствующе: / мира бо Податель приходит Христос, / умиряяй всяческая и спасая зовущия: / Господа пойте, дела, и превозносите во вся веки.

**Вместо Славы припев:** **Благословим Отца и Сына и Святаго Духа, Господа.**

Почитаёт лѣстными словесы раждающагося Христа Ирод беззаконный / и к волхвѣмъ приклоняшеся, яко и самъ бо поклонится; / но не стыдяшеся, гоня тайщагося Христа, / ни младенцевъ ущедрити и вопити не разумѣ: / Господа пойте, дела, и превозносите во вся вѣки.

**Таже поёмъ оба лика вкупе:**

Хвалимъ, благословимъ, поклоняемся Господеву, / поюще и превозносяще во вся вѣки. **И поёмъ ирмосъ:** За законы отеческия:

### Песнь 9

**Ирмосъ:** Странствія Владычнѣя / и Безсмертныя Трапѣзы / во убоземъ вертѣпѣ высокими умы, / вѣрнии, приидите, насладимся, / воплотившееся Слово неизреченно увѣдевше, / Егѣже величаемъ.

Идите, — начальникомъ Иродъ рече волхвѣмъ, — / поищите Отрочата; / егда же обрящете Сего, ми скоро возвестите, / лествъ в сѣрдцы козньствуя; / но обличенъ бысть прелестникъ, вотще беззаконнуя.

Содетель, рождѣйся отъ Отца прежде вѣковъ, раждается отъ Дѣвы, / мудрость Сый Слово Божіе и сила. / Тѣмже единого Сына ведяще, Богочеловека Господа величаемъ.

Яко человекъ явился еси существомъ, не мечтаемъ, / тако Богъ нравомъ воздаянїя, естествомъ, Спасе, еже приял еси. / Тѣмже, отъ Дѣвы Божественное пришествіе Твое чтуще, величаемъ.

**Посѣмъ ирмосъ и поклонъ.**



### НА УТРЕНИ

#### По 1-й стихологїи седален, глас 1.

**Подобенъ:** Камени запечатану:

Просветися тварь, / Зиждатель бо предгрядетъ родитися в вертѣпѣ за неизреченную милость. / Пастырие, срящите со тщаниемъ, зряще чудо страшно. / Приидите, волсви, дары руками держаще и глаголюще: / слава рожденному Царю, / слава путеводствовавшему ны. / Сему, яко Царю всех, поклонимся плотию.



#### НА ПОВЕЧЕРИИ

**Трипéснец, глас 6. Егóже краегранéсие: Предсуббóтние же. Ирмос по двáжды, тропарí на 6, последí же ирмос óба лика вкúпе.**

#### Песнь 5

**Ирмос: К Тебé úтренюю, / благоутрóбия рáди Себé истощíвшему непрелóжно / и зрак рабá от Дéвы носíвшему, / Слóве Бóжий. / Мир подáждь ми, пáдшему, / Человеколóбче.**

**Омýвше смýслы и предочíстившеся тáйны причащéнием стрáшнаго смотрénия, / тéлом и душéю к Вифлеému граду взýдем / Владýку вíдети раждáющая.**

**Зрíte, дрúзи, и не бóйтесь, / безýмный бо Ёрод всýе шатáется Зиждíteля убíти рóждшася, / но Той, я́ко жизнь и смерть содержáй, / живёт и спасáет мир, я́ко Человеколóбец.**

#### Песнь 8

**Ирмос: Столп злóбы противобóжныя / óтроцы Божéственнии обличíша; / на Христá же, шатáясь, Ёрод свирéпеет, / советует тщётная, / убíти поучавáется животá Держáщего длáнию, / Егóже вся тварь благословíт, / слáвящи во вéки.**

**От вéждей лéности сон вси, вёрнии, оттрясém, / в молíтве же побдím, искушénия отражáюще, я́же от лукаваго, / и с пáстырьми зрítелие слáвы явímся Христá рóждшагося, / Егóже вся тварь благословíт, слáвящи во вéки.**

**Глубинú премýдрости и рáзума Зиждíteлева кто испытáет челове́ков? / Бóжих судеб бéздну кто премýдр пости́гнет? / Ёхже рáди, Небесá преклонíв, с челове́ки Плотно́сец поживé, / Егóже вся тварь благословíт, слáвящи во вéки.**

**Сквёрну слóву от устén изýти, вёрнии, возбра́нйм, / поучíвшеся же, словеса́ Божéственная Христу́ ны́не принесém, / разрéшшему ны безсловéсия, в безсловéсных лежáщему я́слех, / Егóже вся тварь благословíт, слáвящи во вéки.**

**Отрицáтися плотскíх страстéй и мíра крáсных потщímся, / духо́вных же держímся попечénий,**

Богомудрии, / достойны себе самья раждающемуся, представляюще от дел, Владыце, / Егóже вся тварь благословит, славыщи во веки.

### Песнь 9

**Ирмос:** Честнейшую Херувим / и славнейшую без сравнения Серафим, / без исления Бóга Слóва рóждшую, / сущую Богородицу, Тя величаем.

Пагубное веление враждéбнаго, смущающаго Рождество Иисусово, / младенцев незлобивых содела убийство; / мы же рóждшагося véрою почтím.

Закóны естéственные преобидя и заветы Божéственные отмéща, / Йрод лóтый мáтери беззакóнно обезчáдстви / и младенцы уби невíнно за всех Жизнь.

Языком отвéрзеса едемская дверь, / раждающуся в вертепе Избáвителю; / истóчник же безсмёртия жаждущим источáет Госпóдь славы, / Егóже величаем.

Окружáху, яко престóл херувимский, Ангели ясли, / вертеп бо Нéбо зряху, лежащу в нем Владыце, / и, слава в Вьшних Бóгу, вопияху.

**Тáже ирмос. И поклóн.**



### НА УТРЕНИ

**На Бóг Госпóдь: тропáрь предпразднства двáжды. Слава, мучеников. И ныне, предпразднства.**

**По 1-й стихологии седáлен, глас 3.**

**Подóбен: Божéственные véры:**


Рáдуется днесь Цёрковь, / поёт, красётся, предпразднствует Спáсово войстинну Рождество: / всесвятóе бо совершáется торжество и в Госпóдню славу облачится. / Все воззовём Христú Бóгу: / Человеколюбче, помíлуй ны, поющия Тя.

**Слава, и ныне, тóйже.**

**По 2-й стихологии седáлен, глас 8.**

**Подóбен: Премúдрости:**

**Из недр Отéческих сошел еси / и несказáнным истощáнием юже по нам нищету восприял еси /**



### НА ПОВЕЧЕРИИ

**Канон, глас 6, егѣже краегранесие: Днесь же субботу пою великую. Ирмосы по дважды, тропари же на 6.**

### Песнь 1

**Ирмос:** *Волноу морскою / Скрывшаго древле / гонителя мучителя — / в яслех сокрываемаго убити ищет Ирод, / но мы с волхвы поим: / Господеви воспоим, славно бо прославися.*

Господи Боже мой, / рождественное пение и предпразднственную песнь Тебе воспою, / рождением Твоим Божественным возрождение дающему мне / и к первому мя благородию возводящу.

Горé Тя на Престоле и доле в яслех премирная и земная разумевше, Спасе мой, / дивляхуся державе Твоей, / явился еси бо паче ума, сугуб естеством, Богочеловек.

Да Твоея славы всяческая исполниши, приклонив Небеса, на землю пришел еси: / яко бо на руно, низшел еси дождь во чрево девственное, / из Неяже ныне родитися сугуб грядеши, / Бог же и Человек.

**Последі же ирмос оба лика вкупе.**

### Песнь 3

**Ирмос:** *Тебе, на водах / повесившаго всю землю неодолимо, / тварь, видевши в вертепе раждающаяся, / ужасно содрогашеся, / несть свят, / паче Тебе, Господи, зовущи.*

Образы неизреченнаго Твоего воплощения проявляя, Щедре, / умножил еси видения и пророчества вдохнул еси, / яже, ныне пришед, исполнил еси, / плотию раждаея из Чистой Отроковицы во граде Давидове.

Простре земля плещи своя / и приемлет приемлющаго Зиждителя славу от Ангел, / от Небес же звезду, от пастырей хваление, от волхвов же дары / и от всего мира познание.

**Волхва́, звездочётца Валаа́ма, гада́ния ны́не исполня́ются, возсия́ бо звезда́ от Иа́кова / и наста́ви к Со́лнцу сла́вы да́ры нося́щия волхвы́, / от Перси́ды царя́.**

#### **Песнь 4**

**Ирмо́с: От Де́вы пришёствие Твое́ / прови́дяй Авваку́м, / ужа́сся, вопия́ше: / Ты от ю́га, воплоща́-  
яся, пришёл еси́, Иза́вителю, / Ада́ма отрино́вен-  
наго воззва́ти.**

**Приближа́ется и приходи́т ны́не Госпо́дь, / жда́-  
ние язы́ков и спасе́ние ми́ра; / угото́ви верте́п,  
гра́де Вифлеэ́ме, / и с волхвы́ па́стырие, теку́ще,  
приспе́йте.**

**Кре́постию Божества́ сраствори́вся челове́ком  
едине́нием неслитным, / плоти́ в подо́бии, Спа́се,  
Ада́ма обновля́еши / и спаса́еши восприя́тием.**

**Сло́во, плоть яви́вся, одебелева́ет / и вселя́ется в  
ны неизрече́нным про́мыслом. / Прииди́те, ве́рнии,  
у́зрим сла́ву Егó, / сла́ву я́ко Единоро́днаго от Бо́га  
и Отца́.**

#### **Песнь 5**

**Ирмо́с: Богоявле́ния Твоегó, Христé, / е́же к нам  
ми́лостивно б́ывшаго, / Иса́ия, Свет ви́дев Неве-  
че́рний, / от но́щи у́треневав, взыва́ше: / се Де́ва во  
чре́ве при́имет / и породит́ воплоща́емое Сло́во, / и  
вси земноро́днии возра́дуются.**

**Новотвори́ши земноро́дныя, пе́рстен быв, Зиж-  
дите́лю. / Ясли же, и пелены́, и верте́п — Твоегó  
смирéния о́бразы. / Обру́чник же Твоея́ Ма́тере,  
Твой мнй́мый о́тец по плóти, / рóждшаго Тя Отца́  
ны́не вообража́ет сове́т.**

**Сми́рною смерть, златом ца́рскую держа́ву, /  
лива́ном же Божества́ преим́щество проявля́ют  
ца́рие язы́ков, / нача́тки дароно́сяще Тебе́, в верте́-  
пе рожде́нному Вифлеэ́мстем / из Неискусому́ж-  
ныя Ма́тере.**

**Из безму́жныя прошéд, Отца́ соприсносу́щное  
Сло́во, / плóтски всели́лся еси́ в верте́п, я́ко  
Престо́л, я́сли вмени́в; / удивля́еши же стра́шным  
стро́ением Твои́м волхвы́ и па́стыри, / А́нгелы же  
ужаси́л еси́: / сла́ва держа́ве Твое́й.**

## Песнь 6

**Ирмос:** *Ят бысть, / но не удержан в персех китовых Иона: / Твой бо образ нося, / Рождшагося и плотию Явльшагося, / яко от чертога, от зверя изыде. / Рожденный бо ныне плотию, / во гроб и смерть хотел еси внити, / и паки воскреснути тридневен.*

**Погибе** ныне и разорися древняя вражды средостение / плотским Твоим пришествием, Христе, / и пламенное оружие всем дает плещи, / живоноснаго же Едемскаго древа причащаюся верно, / безсмертных садов абие Делатель показуяся.

**Царствует** со грехом ад, от Адама даже до Тебе, / но погибает тех безстудное мучительство / плотию раждающуся Тебе, Избавителю, от племени Давидова, / и на Престоле Царствия Его посаждену яве, / и во веки царствующу.

**Детоубийца**, но не христоубийца явися Ирод лютый: / аще бо и младенцы пожат горько, яко траву, / но Класа жизни не возможно удержати и умертвити, / жизни бо Сый Податель утайся, — яко Бог, Божественною силою, — гонителя.

## Песнь 7

**Ирмос:** *Неизреченное чудо: / в пещи избавивый преподобныя отроки из пламене, / в яслех убогих Младенец возлеже / во спасение нас, поющих: / Избавителю Боже, / благословен еси.*

**Уязвися** льстец враг, / Бога видя яко Младенца, лежаща в яслех худых, / и крепкою рукою Божественною убивается во спасение нас, поющих: / Избавителю Боже, благословен еси.

**Блаженны** ясли, / в себе бо приемше яко Младенца Содетеля, / яко херувимский Престол показашася во спасение нас, поющих: / Избавителю Боже, благословен еси.

**Законом** человеческим в пеленях положение приемлещи, Младенец явлься, / имиже узы решивши прегрешений наших, / свободу даруя вопиющим: / Избавителю Боже, благословен еси.



### Песнь 8

**Ирмос:** Ужаснися, бойся, Небо, / и да подвижатся основания земли: / се бо пеленáми повивáется вся Носяй длáнию / и во яслех мáлех страннопримлется, / Егóже, óтроцы, благословите, / священницы, воспóйте, / лю́дие, превозносите во вся вéки.

Разрешися связанный Ада́м, / свобода же всем вёрным даровáся, пеленáми, Спа́се, повивáему Тебе́ / и в вертепе мáлем и в яслех безсловесных положéну. / Тем Тебе́, ра́дующеся, / предпра́здественную песнь в Твоём Рождестве́ прино́сим вéрою.

Преста́ прелесть Пёрсская, / звездосмотрите́ле бо, ца́рие востóчнии, / ро́ждшемуся да́ры прино́сят Христу́ Всецарю́, зláто же и смёрну с ливáном. / Егóже, óтроцы, благословите, священницы, воспóйте, / лю́дие, превозносите во вся вéки.

О, чудес но́вых! / О, благосты́ни! / О, неизрече́наго терпе́ния! / Се бо я́ко Младене́ц вменя́ется в Вь́шних живы́й / и бе́гает Бог во́лею Ирода. / Егóже, / óтроцы, благословите, священницы, воспóйте, / лю́дие, превозносите во вся вéки.

### Песнь 9

**Ирмос:** Не дивися ны́не, о Ма́ти, / ви́дящи я́ко Младенца́, / Егóже из чре́ва прэ́жде денницы́ роди́ Оте́ц: / возста́вити бо и сопросла́вити / челове́ческое па́дшее естество́ приидо́х я́вственно, / вéрою и любóвию Тя велича́ющее.

В стране́м Твоём Рождестве́, / болéзней избéвши преесте́ственно, ублажи́хся, Безнача́льне Сы́не; / ны́не же Ты зря́щи, Ирода́ бе́гающа, / ору́жием печáли смущáюся душе́ю, взыва́ющи: / спаса́й Тебе́ почита́ющия.

В зéмлю у́бо иду́ Египетскую́, / но Египетская́, о Ма́ти, рукотворенная низложу́ трусом; / души́ же Моея́ всу́е ищущия враги́ пошлю́ во ад, / я́ко Еди́н держа́вен, / вознесу́ и спасу́ Тебе́ почита́ющия.

Да ра́дуется тварь: зи́ждется бо Зи́ждитель, и, прэ́жде Сый, / ны́не нов познава́ется Бог; / с да́ры волсви́ да предсрета́ют, / па́стырие чу́до да плéщут вёрне, / и челове́цы со А́нгелы да веселя́тся.